

與

稽

齋

叢

稿

無雙樂府

叢稿第三

長洲 吳翌鳳

南陵金射堂著無雙譜自漢迄宋凡四十人右圖其  
像左系以詩暇日戲效爲之以其題類樂府因名之  
曰無雙樂府云乾隆丁亥秋九月二日寓雍熙寺南  
蔣氏紫薇山館書

博浪椎

荆軻匕首漸離筑烈士報燕志未足誰將博浪鐵椎飛  
野狐叫嘯山魃哭金人十二寸鐵除百二之椎鐵有餘

大索十日不可得當時猶惜椎空擲椎空擲雖可惜祖  
龍至今死無魄

垓下歎

君不見楚重瞳大小百戰成何功亟殺義帝不王關中  
割鴻溝以西技則窮垓下悲歌帳中舞有何面目歸江  
東千金之賞呂馬童虞兮騅兮殉節同惟此乃足稱英  
雄

老博士

遺經不隨秦火紅二十九篇出壁中抱殘守闕一老翁

老翁龍鍾不能步。誰徃受經命。鼃錯鳴呼。鼃錯稱智囊。  
刑名法術。乃所詳。不崇伏老。宗申商。

星精謠

世間安有不死酒。臣若飲之盡盈缶。不死之酒不死人。  
陛下莫怒莫殺臣。浮沈豹尾中。禮數曾不異。畜以俳優。  
閒滑稽。聊玩世。君不見青鳥飛來朱鳥稀。翩然王母乘  
雲輶。瓊田空覓長生草。不識郎官是歲星。

河源查

黃河九曲星。九垣濁流莽莽高。入天繫何郎官應募去。

三才二  
乘查西出尋河源織女宮支機石持向成都人不識胡  
不徑把河源塞不見淇園竹盡壁馬沈廿載空歌瓠子  
決

牧羝曲

鼠○可○掘○雪○可○齧○毳○毛○可○咽○血○可○泣○寧○死○不○受○左○伊○秩○咄○  
爾陵咄爾律那識子卿心似鐵收羝十九年歸來鬢毛  
白鬢毛白節旄脫羞殺石頭城令人求故節

龍門史

始陶唐迄磨止劉向揚雄詫良史百三十卷人宗師悲

憤。著。書。誰。不。知。擬。諸。春。秋。則。不。可。腐。史。功。應。配。盲。左。

恐驚寐

鄧。道。銅。山。崩。雲。陽。少。年。起。法。堯。禪。舜。且。不。惜。黃。頭。郎。君。  
那。得。比。斷。衷。起。恐。驚。寐。椒。風。椒。房。同。一。貴。寧。爲。蕭。咸。讓。  
不。作。孔。光。媚。

桐江詞

桐。江。煙。月。裏。一。竿。足。平。生。同。臥。不。爲。榮。羊。裘。豈。逃。名。多。  
事。客。星。照。空。令。世。眼。驚。

娥江行

富春江頭義士骨。汨羅江上忠臣石。維忠義孝同一轍。  
應與娥江作三絕。娥江名號繇曹娥。娥有父兮爲里巫。  
叶 溯江歌舞迎婆婆。娑輕將血肉吞。龍龍娥年十四涕滂  
沱。投灰覓屍不可得。翻身一躍投江波。至今江上愁雲  
多。娥江行何太苦。孝女名自終古。不見緹縈上書救父。  
死。天壤寥寥兩女子。

探虎穴

不入虎穴不得虎子。鄯善國中殺虜使。火光徹空葬天  
紫。出入二十年。安集五十國。玉關生入已後時。幸不將

身委西域于墜乎飛將軍已刎極邊明珠悲芭悲馬援  
丈夫未有封侯骨只合老死筆硯間

曹大家

謝女才華能詠絮宣文講學生徒聚何似扶風世叔妻  
東閣修書續彪固立身節義誠足奇皇后貴人師事之  
卽今女誠傳閨闈彤管千秋紀惠妃

趙娥怨

誰刃殺父賊幸有兄弟存可憐兄弟俱病死閨中弱質  
何足論壯哉趙娥拂衷起鄰婦莫笑壽莫喜磨刀霍霍



如流水一朝殺賊都亭中血流草木爲之紅君不見孫  
翊妻智慮雄殺讐祭夫反掌中追配娥親母乃同

孫郎至

江東年少孫猗兒行年十七將父師破橫江拔當利軍  
威所到衆心悸不畏曹瞞來但怕孫郎至紛紛稱帝復  
稱王效忠守節惟孫郎乘虛襲許志未遂破虜將軍同  
灑淚生子當如孫仲謀可憐身著鄆子裘

伏龍吟

公出漢室尊公歿漢室淪漫恨中原屬佗人隆中早已

籌三分。猗與伏龍。古無比。莫話區區頭腹尾。

### 焦隱士

焦山山頭焦隱士。見漢室衰。召不起。括囊無咎。悟易理。絕口不語。至于死。周廟金人。毋乃是。

### 奈何降

東吳不可奔。南夷不可止。一辱再辱。計慮周老臣。碩畫降而已。奈何降北地。王忼慨哭廟聲。悲涼殺妻殺子。遂自殺。衆心莫保。漢室亡。漢室亡。君勿傷君。不見益州刺。史前劉璋放虎。自衛勢莫當。城中精甲。尙三萬。開城自。

詣軍門降。

峴山行

君不見羊叔子輕裘緩帶真名士人乃道不如銅雀臺  
前伎修德服吳人屯田自整理平生遺澤滿襄陽墮淚  
碑存峴山趾峴山趾公之魂魄猶登此烏庠王家亦有  
寧馨兒敗俗傷化終不支清談殺身良足悲。

并子三

長橋蛟南山虎并子而三鄉里苦時和年豐亦何補翻  
然射虎更殺蛟折節受學真人豪佗年涇陽致命日入

洛機雲豈其匹。

墮樓詞

樓下鴟鴞聲。樓頭明月色。樓頭見妾心。樓下見妾血。

義皇人

謝侍中佐新命。徐祕書哭亡晉。悲歡之事固不同。同時遺老惟陶公。叩門乞食餘裋褐。彊似朱衣草間活。籬下鞠門前。柳葛巾漉酒。共賢婦先生。一夢見義皇。任爾蠅營與狗苟。

無卿比

北海賣畚翁江東無卿比軍諮祭酒辭弗爲遇呂婆樓  
入秦矣長安角氏正舉兵欣如予德得孔明六合未一  
志未足奪我景畧何太速燕勿縱晉勿圖遺言不聽悲  
秦苻涼馬臺前渡草花風聲鶴唳偃不蘇阿得脂歌緩  
急甲申乙酉魚羊食三原五嶽盡流血

別墅碁

壽陽城頭敵氛惡飛角侵邊肆殘虐將軍問計云有旨  
相與圍碁賭山墅捷書夜報碁未終置書牀上無喜容  
小兒輩遂破賊碁罷還歸屐齒折君不見蜀中辦賊費

尚書嚴駕對奕神恬如可人先後若合符

璇璣圖

良人出鎮在襄陽欲徃從之江水長況聞親人固君寵  
雙飛雙宿雙鴛鴦雙鴛鴦羨芳躅新人歡呼故人哭何  
以報之八百四十言回文織就五采宣中央四角相盤  
旋一寸相思成一字字字蘇娘眼中淚

女從征

手持三尺莫邪劍臂挽五石秦娘弓翻然下機出門去  
旁人那得分雌雄阿耶無兒但有女軍符催迫耶心苦

兒願替耶征邊城作干櫓後來天寶大舉兵石壕老婦  
猶從征

洗夫人

高涼夫人馮寶妻女中豪傑世所稀拊循蠻夷七十載  
三見中原帝朝改新息戰歿武鄉亡一婦威名震南海  
夫人城娘子軍木蘭從軍并一身一騎紅妝建高纛千  
年後有素良玉

女主昌

太白見女主昌可憐枉殺李五娘三十年後王天下金

輪皇帝登明堂諸武興諸李死呂野雞後一人爾易唐  
爲周建七廟滿堂公卿順風旨有子不造事女主至今  
猶說狄家姊

昌宗裘

延清有口過馮寶亦歐死奉宸內寵有易之及張六郎  
亦足矣蓮花乃似郎面紅兩腳狐媚嗤老翁紫袍袍集  
翠裘一局失裘承之羞五郎六郎鹿嶽嶽梁公縱博折  
其角

皇嗣寬



誰言皇嗣反引刃剖我胸滿朝結舌多取容訟寃乃出  
太常工有子不自明使女至於此舉入宮中幸不死君  
不見太子弘太子賢一摘再摘黃瓜篇

中書考

不癡不聾不作家翁閨房之語何足亂吾聰稱大臣稱  
尙父位極王侯功震主二十四考中書君古來將相誰  
比倫程魚之譖徒紛紛

謫仙讎

清平三章譜新聲天子殿上親調羹琥珀之酒琉璃盛

請爲先生解其醒臣白已醉陛下聖明晚力士兩眼瞠  
伸我足聊煩卿卿勿恚卿勿恚猶恐卿手汚我足

神仙骨

無多語分半芋領取十年宰相去自是君身有仙骨天  
遣山人樹鴻烈片言調護儲副全不勞羽翼來商山陳  
平張良何有焉

唐老奴

河北李花謝沙陀寄枝榮朱梁未滅讐未復奈何遽自  
稱尊名唐老奴拂衣起吾王自取誤老奴昇歸太原不

食死

長樂老

長○樂○老○何○等○老○無○才○無○德○癡○頑○老○事○唐○事○晉○事○漢○周○更○  
事○契○丹○作○元○老○是○時○萬○姓○分○倒○縣○此○老○著○書○數○百○言○孝○  
于○家○忠○于○國○子○弟○人○臣○夫○婦○子○孫○司○長○無○愧○德○時○開○一○  
卷○飲○一○杯○食○味○別○聲○與○被○色○老○安○當○代○樂○何○極○樂○何○極○  
兮○善○厥○終○得○壽○還○與○孔○子○同○長○樂○老○爾○死○幸○不○早○爾○不○  
見○世○修○降○表○有○李○家○不○獨○爾○四○姓○恩○榮○長○樂○老○

臥藥月

視。之。不。見。名。曰。希。聽。之。不。聞。名。曰。夷。先。生。置。身。聞。見。外。  
一。臥。絜。月。忘。炎。曦。趙。點。檢。作。天。子。陳。先。生。真。隱。士。天。下。  
定。矣。誠。快。哉。干。卿。甚。事。墮。驢。來。

### 錢塘弩

錢婆留射潮頭英雄舉動固不侔誅昌殺宏建奇績丹  
書鐵券勤王室紛紛割據蠡蜎多吳越且喜無干戈傳  
三世歷五主八十年守疆土所憐一事欠雄武不聽羅  
隱言臣事朱溫稱尙父

### 安石工

元祐姦黨碑石礱奈何辱我司馬公乞免署民字卓哉  
安石工彗星夜歸文德殿黃門毀碑傳夜半蔡京乃入  
姦臣傳君不見潭州死骨尙猶臭安民之名乃與黨人  
留宇宙。

我陳東

用汪黃罷李綱上書獨有陳丹陽帝怒收請食已我陳  
東豈畏死冠帶從容赴市時愁雲慘澹朔風吹同刑尙  
有歐陽澈太學鉅鉅兩奇節。

三字獄

小朝廷一臣構二聖環搬腦後岳家軍壁壘開平襄漢  
平江淮圖大舉渡河去賊臣檜和議主金牌名不暫停  
三字獄風波亭十年功一旦廢望中原空灑涕和議成  
功臣傷驢背客韓蘄王

庶無愧

德祐辱已甚陛下可再辱匡山一溺莖魚腹千古孤忠  
有張陸信國公留燕彊公不死宋不亡轟轟烈烈死柴  
市彊似黃冠歸故鄉生祭王炎午死弔謝皋羽從容就  
義古所難成仁取義公有焉而今而後庶無愧日星河

嶽光參天可憐趙氏一塊肉忠魂長向厓山哭

無雙樂府

辛壬雜詩

叢稿第四

長洲 吳翌鳳

余自甲午後偶有所作皆應酬率率具不足存丁酉  
冬奉先君子之諱并不復作詩矣歲辛丑始更爲  
之合壬寅之作通爲一卷曰辛壬雜詩

辛丑

元日書懷四首

少。小。愛。新。歲。老。大。嗟。華。年。嗟。跼。四。十。春。倏。忽。如。雲。煙。世。  
塗。紛。榮。耀。愚。者。安。靜。便。幻。化。寧。有。極。飛。沈。詎。無。緣。隱。几。



還讀書所願全其天

春氣及幽巷所遇無非新。徃來多真。意想見太古。人嗟予失所。怙四載爲鮮民。差幸母體康。菽水寧嫌貧。悠然坐南榮。寒梅吐芳辰。

舉俗尙投刺。獨我掩荆扉。起聞剝啄聲。翻言有所之。穉女易新履。山妻仍故衣。齊肩三男兒。嬉戲無不爲。薄暮多喧聲。比鄰人醉歸。

六年不作詩。舉筆一字無。今晨握枯管。冥思驚衆雛。真氣日淪浹。性情與之俱。浮華刊已盡。恬澹存真吾。春光

正無邊願言飲廩廡

雜詩十一首

洪鈞播萬彙歎若風飄塵寄生大塊中  
分形成我身弟兄與妻子於前定何親  
歡樂相依倚妍媸成屈伸四時更代謝  
一氣還相因花落不改柯宵盡已復晨  
舉世任推移誰能測其真

種桃冀成蹊種柳欲成陰風雨一推遷  
蕭散成秋林根株非不固花葉庸詎任  
來榮誠可羨去豔匪自今寒暑見殊態  
朝暮喧衆禽悠悠西澗側歷歷南山岑  
何來匠

石顧時聞樵牧音。達人識其然。感觸成悲吟。

楊朱泣歧路。墨翟悲染絲。吾心自通塞。斯道本坦夷。古  
人去已遠。茫茫我何思。法言非不長。但受塗路嗤。甘言  
易爲悅。旁人庸詎知。

日沒不周西。皎月升于東。陰陽雖異質。光輝與之同。榮  
辱詎有基。變幻如飄風。委形任物化。外感非內充。五十  
行負薪。時至名亦隆。不見東陵侯。沒世瓜田中。

登高臨四野。流睇望崇岡。荆榛莽蕭々。鳴鵠號我旁。寒  
蟬信高潔。此物非所詳。挾彈不得射。憂思浩茫茫。

飢馬宋在廐牧芻起爭端蜻蛉翔寥廓黃雀乃見殘有  
節木乃蝕水激成奔湍散樗生空山匠石不得干  
刈薪幽澗底澗寒薪亦稀堅冰傷我足密雪霏我衣  
春遘時雨雨盛百草腓薄言勤種植歲事與我違飢禽  
噓路旁荷杖還荆扉

春風吹百草好鳥林際喧幽幽北山阿時時駐高軒相  
知何必廣一二時世賢古人美傾蓋方此寧不然援琴  
撫高操虛懷挹羣言吁嗟管鮑交悠悠安足論

微微落月暉瑟瑟秋風晚明鐙照離席行人夜中飯轉

蓬。戀。本。根。浮。雲。還。蒼。巘。非。仕。亦。非。賈。胡。爲。自。遙。遠。江。湖。  
多。風。濤。遊。子。何。當。返。

啞。啞。林。際。鳥。亭。亭。江。上。鷺。落。羽。一。分。飛。形。影。不。得。顧。秋。  
風。何。蕭。蕭。杖。策。遵。廣。路。寒。蕪。一。以。深。時。復。見。丘。墓。煌。煌。  
金。張。業。朱。朱。松。楸。算。卻。笑。夸。毗。子。營。營。多。所。務。

義。和。無。停。馭。歲。序。忽。已。改。紅。芳。有。時。歇。浮。名。豈。長。在。來。  
者。空。復。多。古。人。不。相。待。胡。然。紛。志。慮。徒。爾。炫。文。采。逶。迤。  
非。所。甘。淪。冥。復。何。悔。先。賢。有。遺。編。因。之。見。千。載。

鄰牆杏花二首

東風著意作春寒。一樹輕紅雨未乾。誰識西家老居士。  
牆頭二十八年看。

酒旗掩映雨中枝。又是芳菲欲盡時。蛺蝶過牆應便訝。  
看花人已鬢如絲。

吳趨行

吳趨佳麗地。長洲冠蓋區。雕甍壯華屋。鮮珪照路衢。清  
歌憐趙女。錦帳陋齊奴。珍肴不知名。酒上正豐腴。寧知  
窮巷士。時作庚癸呼。車馬何方來。挾持一何都。白壁千  
黃金。瑟瑟大秦珠。公孫崇節儉。此物非所須。脫粟及布

被○皆○言○與○人○殊○

寒食日舟中作

草○色○與○愁○新○孤○帆○渺○去○津○禁○煙○山○郭○暮○霽○雨○謝○橋○春○落○  
落○思○前○事○栖○栖○笑○此○身○東○臯○正○新○綠○時○有○荷○鋤○人○

春江曲

春○江○江○水○清○可○憐○櫻○桃○作○花○紅○欲○然○前○帶○水○上○凌○波○女○  
走○馬○隄○邊○俠○少○年○少○年○遊○冶○倡○樓○暮○門○外○輕○盈○飛○柳○絮○  
桃○根○桃○葉○斷○人○腸○一○舸○春○風○渡○江○去○江○草○萋○萋○空○自○芳○  
鄂○君○翠○被○寒○無○香○鴛○鴦○獨○宿○銀○塘○冷○江○水○不○如○清○夜○長○

鳳皇篇

鳳皇不世見。見則國祚昌。三聲出丹穴。一舉升朝陽。古  
人。去。已。遠。舉。世。仰。末。光。令。德。非。所。知。文。采。詎。有。常。鷦。鷯。  
亦。有。翼。鷽。鷽。亦。有。章。形。質。雖。可。比。去聲寧。如。鳳。皇。翔。朝。飲。  
金。盤。露。募。咏。瑤。草。芳。翩。然。將。九。雛。遊。戲。清。都。旁。江。湖。有。  
白。鷗。顙。頰。毛。羽。傷。

生日有述

恬曠夙有懷。牽拘竟無成。來時循虛至。往日觸緒驚。蒙  
求遂抱繫。志養徒筆耕。熏風入軒牖。念舊愁屏營。三紀



邁閔凶四年守孤清既關令原急復此兒女情莫遂長  
養術方思雨露榮早衰今既然浮名昔所輕相將秉高  
節庶幾稱達生

放歌行寄林煜奇都門兼懷顧珪峻大名

東家盛時厭卑促拓地四鄰起高屋西家開讌囂鼓鳴  
美人楊袂花間行誰識紅顏竟黃土朱門畫樓三易主  
不信但看桃李姿昨日花發今空枝人生盛年貴適意  
何事年年長別離君不見大名城中國山長文筆權奇  
氣蕭爽鄉里小兒項領成一言不合空悲鳴秋風蕭蕭

幾朝暮。海燕辭巢。雁南度。縱令百尺置君身。誰更千金買詞賦。與。酣。日。落。西。風。來。濺。濺。蒲。桃。新。醖。醅。此。中。不。盡。萬。古。意。寄。君。直。上。黃。金。臺。小。山。蒼。蒼。桂。之。樹。中。有。幽。人。讀。書。處。怨。鶴。驚。猿。久。相。誤。爲。君。一。歌。招。隱。曲。東。家。西。家。秋。草。綠。

送程二融發遊滇黔

萬里投荒徼。三秋唱別歌。塞深圍犵狁。天遠入牂牁。客。鬢。涼。風。早。鄉。心。夜。雨。多。天。涯。有。歸。計。忍。負。舊。巖。阿。

秋杪赴橫塘。虞勛之楊南有之招。遂同公孫執。

楊有南馬心培毛士清家師中遊湖上歸宿紅  
蠶書屋分韻

久爲城市拘秋期果幽約揚舲探嘉勝杖策度巖壑新  
歡及故知諧譚相問作稍登茶磨嶼復上潮音閣垂垂  
丹袖林瑟瑟黃蘆薄驚風忽飛揚寒林半凋落方春爲  
茲遊古寺久棲託晴湖望渺彌山桃吐芳萼轉瞬物候  
移樂緒變蕭索良時一若此人生詎如昨高齋面平疇  
露氣疏簾幕援琴寫清弄停杯罷深酌楞伽遠鐘聲冷  
洽到秋郭

橫塘晚望同王百川

古渡落丹楓。人家秋色中。蒼然夕照裏。吟眺與君同。野  
興孤邨酒。離心逐斷鴻。誅茅曾有約。回首小橋東。

水閣晚眺率爾成詠

密林圍小閣。習習動涼颺。正好臨流望。頻來薄暮時。鷺  
飛秋水澗。山靜夕陽知。幽意誰能會。休嫌歸去遲。

東齋始寒有懷諸子

重門秋向扃。今昨殊寒暄。沈疴初告瘳。中心鬱以煩。稍  
稍涼風急。瀟瀟暮雨喧。雁聲寒不度。雲氣晚逾昏。節序

羣集四  
屈搖落親故誰過存懷人撫三弄適已傾一尊夜鐙照  
孤影衾枕不易溫

壬寅

春霽懷彭秋士

積雨滯餘寒庭草綠尚淺晨窗始覺晴風日便已暖故  
人期不來新詩賦猶懶春雲滿前山竹扉行可款

閒居雜感三首

昔我居斯里蓬蒿連廣陌今我居斯里囂塵無斷絕井  
井三十年頓爾異喧朱子孫迭爲主鄰里如過客當年

嬉戲儔雙鬢各已白惟有檐前樹還如故時碧

與我同入室在者惟慈親十年長兒女濩落成吾身起  
視閭里間寥寥無舊人比舍起華屋高門勢嶙峋昔時  
鶉衣子裘馬炫四鄰豈伊貧富異習俗不可馴嗒然還  
入戶且復存吾真

窮居寡人事一編長晏如豈必謀祿仕聊以養吾愚清  
晨坐南榮愛日滿屋廬有妻不鍼紉有女頭嬾梳大兒  
年十一頑鈍不可呼阿三故多病骨立深足虞二郎解  
人意見我趨座隅伺我笑顏開時起捋我鬚督責有先

後撫字無偏枯我年逾四十手口猶卒瘡有子不能教  
覲顏列師儒深恐舊業穢趨向入歧塗天意安可測閉  
戶且讀書

凋瘵山莊爲楊有南賦

無多十笏地臨眺足幽情一夜山中雨門前春水生佛  
鐙寒自炯詩思晚逾清莫漫嗟搖落霜華歲歲榮  
木芙蓉  
盛

楞伽舟中作

城南楊花春可憐前山後山聞杜鵑衲衣閒作獨徃客

薄暮又上橫塘船酒旗春影上夕照寒食風光飛紙鳶  
人生哀樂殊多事臥聽竹聲喧野泉

張氏園林小憩示同遊諸子

巢燕歸何晚園花幾度新舊時湖上月曾照花間人隔  
竹間茶臼看山墮葛巾嚴城鐘鼓發歸櫂柳塘春

客齋有述簡卞培基韓東生

十載客東郭孤蹤竟安之枯魚困泥滓顛顛何所施偶  
逢夜鐙未或待朝陽曦怡然理筆硯兀坐吟新詩往昔  
事馳騁浩汭攄文詞登臨與懷古議論靡不爲近復愛



古澹直寫胸中思。當其運思時。感觸多所悲。鷓鴣少健。翻蘭蕙無高枝。此心一以平。卽事多坦夷。意行涉苔徑。得暇撚霜鬚。怡情寓五倫。適興隨四時。篇成聊自詠。句獲無矜奇。不顧俗子笑。一任健者嗤。卞翁富篇什。落落山野姿。韓君才不羈。韓蘇亦兼師。方今詩教昌。萬心春熙熙。堯民歌擊壤。薄海無或遺。正始致足尙。大雅端在茲。相將聳吟肩。浩歌樂昌期。

午睡甚適起而成詠

緝書意不憚。意行心亦悴。恬然一枕餘。松陰涼夢寐。和

風習習吹鵲然北窗意山禽啄春糝庭草積空翠幽人  
敝關中商畧新茶味

初夏偶成

池塘宿雨霽園林景物非方欣白日永不厭青春歸前  
腔流水響後圃桑葉稀東皋麥漸漸田父情依依相從  
二三子杖策臨苔機采真識至理委時悟化機西崦夕  
陽盡北戶涼風微泥融燕新乳草長鶯亂飛物候有如  
此取樂意無違高詠梁父吟獨掩荒齋扉

送王六歸蜀

蜀山遠吐參差碧。古城莽莽連雲白。樹色經霜錦水秋。  
浪花帶雨瞿唐夕。此去山中好著書。鳥嘯花落伴幽居。  
憐余白首滄江上。獨把綸竿坐釣魚。

哭家介祉

賢愚旣同盡。彭殤寧有偏。斯世非不永。所貴全其天。子  
形已隨化。子哀未能捐。衰草被窮巷。秋風款柴門。平生  
所愛物。神氣不復親。我心多所悲。賴子竟其原。子已長  
不寤。茫茫誰與言。無子不足悼。有妻乃堪憐。披帷一長  
慟。悠悠悲逝川。

東齋秋坐書畬同學諸子

蹇劣仍負病分定無越想蒼苔夜雨深閒門斷來徃琴  
書久不御窗牖坐逾閒頓覺愛憎多寥寥寡心賞愧此  
英俊流妙筆驚秋爽辭榮嘉遯亨息慮遂蒙養無言對  
清景東林月初上

對雪

稍稍竹侵戶淒淒寒到衾曉來庭宇閒積雪亦已深斜  
飛入風牖急灑霏瑤琴荒塗無徃迹斷雁絕來音寒光  
炯虛室春氣動幽林愧彼高臥者擁被還孤吟

送韓二仲敏歸海虞

韓○卽○菰○蘆○士○幽○蹤○落○禪○窟○家○近○不○得○歸○頻○年○滯○遊○轍○一○  
鐙○照○孤○眠○千○慮○集○募○節○茲○來○別○我○去○扁○舟○向○晨○發○歲○晚○  
家○室○情○誰○能○不○怡○悅○垂○垂○嶺○上○梅○霏○霏○林○際○雪○與○君○訂○  
後○期○無○使○春○芳○歇○

辛壬雜詩

東齋餘稿

叢稿第五

長洲 吳翌鳳

東齋者余自名所適館之地也齋有花有石又有樓  
可眺遠尤於秋月冬雪爲宜余客此齋者十有八年  
昔時童穉今皆抱子而余亦冉冉其將老矣居齋時  
吟詠頗多自辛壬紀集後復得如干首不忍棄去遂  
錄之爲東齋餘稿

癸卯

東齋雜典八首

開歲好風日欲徃西山遊扁舟泊枉渚一雨何曾休自  
爲東齋客雨霽雲亦收夜來西山月照我東齋樓適興  
卽爲樂所得難預謀悠悠斯世人汲汲何所求

林煙奇  
翠舟欲

徃西山值  
雨不果去

鄰樹藹新綠荒齋亦已春餅餳貯山泉聊以遲嘉賓嘉  
賓惠然來留連動經旬有時還賦詩屈言懷遠人好鳥  
入清聽遊鯈躍芳津怡然忘世慮灑落成吾真

西山亦有樵北舍朝無煙挂瓢高枝上何從得甘泉主  
人南窗下日夕書一編飢寒不關慮得失亦已捐清風

泠然來吹響琴上弦明月不我棄夜夜照我眠

落落汝南君卅年共顛顚不見五闕月恍惚入夢寐老

成凋謝盡愈覺師資貴我今亦就衰君已六十二有子

不能養反以雛孫累一編青囊書悠悠聊卒歲

懷周登扶先生

憑高縱遊目虛襟絕塵氛鬱鬱嘉樹林上有萬里雲故

人航海歸惠顧多所欣遂與二三子杯酒通殷勤別來

未浹歲悵然惜離羣春山有前期檣舟方待君

毛士清歸自閩

中相約爲支矧之遊

辛勤三十載積有萬卷書清晨擁臬比快意恣咬漁篝



鐙尙吟哦兩目已翳如猶復寫不止家人謂我愚東隣  
富金玉西舍多膏腴生兒入里塾不聞列架儲  
日夕東齋居還家反如客閒門無人來庭草可憐碧山  
妻課薪米穉子索漿栗好言慰其情翻用事權術丈夫  
四十餘早覺憂患集非無大廈庇固窮吾所執  
故人虞子敏爲我編詩歌有序弁其端謂得秋氣多二  
十爲諸生四十滯巖阿窮達諒可知行藏復如何我欲  
飲美酒矢音任天和東齋可藏拙詎必遊煙蘿

春雪吟

江南三月雪靡靡桃花李花落江水西鄰置酒喧夜闌  
擁鑪猶說今宵寒東齋野人衣綻裂高聳吟肩來看雪  
釜中無米不得炊忍飢還裁春雪詩飛廉滕六莫驕態  
已近春城寒食時

酬釋杲堂見贈之作

前年見師詩自詫得詩友逢人說項斯遂謂識師久飛  
錫來清涼參五臺回會合洵非偶師來我歸先我歸師去後  
浮雲與飛鳥咫尺竟相負笑余菰蘆人生平慎趨走況  
讀冰雪吟炎歊復何有買山愧未能早衰等蒲柳何似

安禪者孤鐙照吟牖

來章有城市炎熱之語故有菰蘆  
冰雪云云聊用解嘲知仍落箭鋒

機也

秋日閒居作

且喜殘暑退秋光到閒門游氛一以靜曠望極郊原涼  
意上碧梧回風偶成暄冷然太古音滌我胸中煩適興  
理圖史焚香清心魂梧陰晚逾碧欲染衣袂痕耽此幽  
居樂聊息物役繁所得有如此默領復何言

見隙中飛塵感賦

霏霏微微若有形悠悠揚揚不暫停眎之無端攬無迹

挾日滾滾穿窗櫺。幽人屏迹謝人事。三竿日出夢乍醒。  
凝眸諦觀發深慨。世間擾擾紛羶腥。寶田競勢位。尹邢  
鬥娉婷。錐刀所至禍機伏。翻雲覆雨滑渭涇。君不見天  
上雲。幻作白衣與蒼狗。乘風一去復何有。浮雲蒼狗有  
時滅。此塵亘古長不絕。

嘲迎春土牛和王西莊光祿韻

濕濕其膏。肖此身泥。封紙裏一番新。浮華直等麒麟。援  
幻化。終隨掘堞塵。陵客恨無心。可炙挂書。翻訝角如眞。  
前街金鼓喧闐甚。望斷人間有腳春。

甲辰

舟中望崑山

昔○寓○玉○峯○麓○開○門○卽○青○山○朝○見○山○雲○出○暮○見○山○雲○還○平○  
生○愛○山○心○對○之○了○不○關○今○晨○鼓○輕○楫○遙○睇○青○髻○鬟○忽○如○  
逢○故○人○一○笑○開○心○顏○山○容○正○如○昔○我○鬢○則○已○斑○山○雲○應○  
笑○我○逐○逐○何○時○閒○

春○暮○泊○舟○太○倉○西○門○外○訪○弇○園○梅○邨○遺○迹○不○得○  
漫○成○三○絕○句○

偶○來○繫○櫂○古○城○根○近○海○潮○多○覺○水○渾○一○片○酒○旗○斜○日○影○

落花風裏過前邨。

垠邪壇坵息風華萬樹寒梅又作花欲問當年池館處  
玉鞭敲斷野人家

枯楊垂盡又生稊誰與遊人指舊蹊  
賸有春來雙燕子野田荒冢啄新泥

感秋

蕭蕭木葉下蕭蕭涼風吹烈士多壯心  
愁人識天時荒廬無垢氛草露正華滋  
中夜不得寐起步循曲籬  
蛩鳴我傷悲我歌蛩豈知君子固窮節已矣不復疑

九月二十一日夜讀虞勛之話年邨舍詩因寄

此篇兼簡李丈勉百孫二公執

聞鐘夜初宋虛室自幽明坐看雲際月遙從竹間上零  
露溽冷光哀蛩迸寒響一卷冰雪吟尋繹寄遐想幽草  
悴高秋孤花落枯壤茫茫宇宙閒從誰覓眞賞橫塘水  
清泚邨居致蕭爽不知三語掾何如五湖長相期挾故  
人高會繼疇曩明發皸松關長吟繫吳榜

除夕坐松臥居感遇書懷作詩二首事無幽顯

悉見乎詞

苑柳榮枯未可期。流年過盡又如斯。君苗久已思焚筆。

賈島何勞更祭詩。舊雨忽驚歸宿草。

謂林煨奇

新聲誰與和。

吹簫春風隔歲如。相惜只替愁人染白顚。

是日立春

促坐傳觴酒一壺。荒涼門巷換桃符。平生不忿呼牛馬。  
傾耳猶聞響蟪蛄。豈有高明容鬼瞰。得無咎罵任人奴。  
殘年飽飯圍鑪話。莫道年來樂意無。

乙巳

元日書懷二首

淡雲晴日爛烘春。瓶綻梅花亦可人。

上國側聞

頌



慶典

時值壽覃恩

國

清尊相與樂芳辰兒童簫鼓鄰翁厭貧

薄齋鹽節物新身入幽風圖畫裏悠然直似葛天民

樗材自分老巖阿浪說徵書到薜蘿華髮酡顏猶夙昔  
花枝酒海已蹉跎歲寒盟約前塵在春日田園雜興多  
聞說九衢饒樂事采棚鐙火翠臺歌

人日雨寄孫公執

令節逢人日年光委逝波貧家春事少深巷雨聲多莫  
負看鐙約聊爲對酒歌不知山館裏梅信近如何

雨宿鄭廷載松隱草堂與徐三峙東夜話次韻

送客留髧乙夜過花龕墨妙幾摩挲

廷載出示卞文瑜山水冊花龕卞自

號

社分北郭詩情遠燭翦西窗夜雨多故老傷心同宿

草

追悼洪鳴佩杭董補諸先生

幽人天許臥煙蘿乞將一卷漁樵話

譜入吳儂擊壤歌

廷載自號礪南漁者峙東自號雪樵

蔣端甫出示紀遊詩索題卽次卷中韻

自作江湖客名山愜遠尋鶯花雙鬢老風雨一船深解  
佩辭長劒開械出短吟廿年詩酒伴蕭散歟成今

東齋有樓可眺然不見有山也陶仲子見之指

以示余余明年將去此佗適雖欲日看此山其

可得乎因賦二絕句以志感

疑樹疑雲望杳冥。廿年孤負草堂靈。  
煙鬟似惜人離別，露出西南一角青。

終南捷徑肯追攀。漫向人前說買山。  
屋角野雲來又去，多應笑我未能閒。

門有車馬客行

君家池頭兩谿鵝。毛羽修修戲君側。  
雄飛雌伏判俄頃，佗日相逢不相識。  
君家結客多豪雄，門前車馬如游龍。  
一朝黃金散欲盡，妓堂冷落賓徒空。  
山有木兮木有葉，

青○青○者○松○齒○齒○石○褐○衣○霍○食○且○閉○關○生○不○願○見○門○前○車○  
馬○客○

池上作

渺○渺○芳○塘○水○清○瑩○一○鑑○如○閒○雲○時○度○影○秋○雨○欲○生○魚○踞○  
酒○能○無○石○持○竿○不○待○戲○澂○觀○良○不○厭○便○擬○結○茅○蘆○

齋中木芙蓉盛開感賦

閒○庭○纔○一○弓○亂○草○閒○叢○棘○惟○茲○芙○蓉○花○亭○亭○余○所○植○高○  
枝○鬱○以○繁○密○葉○淨○如○拭○秋○深○吐○奇○葩○清○露○湛○嘉○色○荏○苒○  
數○日○芳○辛○勤○終○歲○刀○風○雨○墮○殘○紅○飄○蕩○詎○有○極○何○況○齋○

中。人。去。住。能。自。必。明。年。更。誰。看。對。花。三。歎。息。

題顧橫波畫蘭三首

玉臺金屋委荒丘，九畹空存楚澤秋。  
癡絕江南年少子，酒酣猶自說眉樓。

弱質芳心不自持，幽花寫出一枝枝。  
自從譜入滄桑錄，不忍臨風讀楚詞。

草色句闌幾度新，堂開半野亦成塵。  
可憐一種風流筆，都是尙書傳裏人。

十二月六日作

歲晚草不芳。天寒日沈西。蕭條窮巷間。觸目多窮黎。屋  
角聚羣鳥。啾啾向人哢。誰知廬中人。薄暮猶忍飢道旁。  
一老翁涕泗垂。兩頤有女不得鬻。將身委溝谿。凶荒徧  
吳會。流民死無時。城中豪富家。酒食方娛嬰。

東齋錄別五首

明年將移  
萬城西

廿年爲寓公所遇。孰非故偃仰一室中。久自安吾素。豈  
意當乖違。荏苒歲成暮。住久轉生戀。欲去時反顧。白雲  
忽飛來。亭亭倚高樹。

昔來我未壯。今去鬢已白。悠悠竟何爲。歲月真可惜。諸

生方妙年樹立宜自策奄忽人事遷摧藏復何益持觴  
不得御吟歎坐終夕

征鴻方東來巢燕忽西飛夫豈巧爲避節序相推移亦  
有素心人形影不暫離俄爾遽分張焉得不懷思中宵

起引領三復停雲時

張充之同寓十五年顧洵  
芳將以明春來館涉趣齋

生平無佗好矻矻手一編萬卷不爲多廿載依寒氈今  
晨勞僭負累重滋縈牽亦有木芙蓉手植纔五年人去  
花自芳浮紅爲誰妍

志士尙氣節薄俗恥賤貧主人敦古誼相處獨以真執

手○勞○勸○勉○願○言○懷○其○新○鸞○鳳○栖○枳○棘○疇○識○希○世○珍○風○雲○  
有○時○合○欲○去○誰○能○馴○

西塘晚歸感賦

殘○年○心○事○總○難○虞○落○葉○西○風○愴○客○塗○暝○色○半○林○催○步○屨○  
炊○煙○幾○處○出○荒○廚○異○時○空○羨○文○翁○化○此○日○誰○陳○鄭○俠○圖○  
望○裏○西○塘○明○月○夜○蒼○蒼○鴻○雁○滿○菰○蘆○